

KOMPETENCAT E DREJTORIT TË PËRGJITHSHËM TË QSUT SI DHE ORGANEVE DREJTUESE

Referuar rregullorës së QSUT

III – RREGULLORE E STRUKTURAVE PËRBËRËSE TË Q.S.U.T.

3.1 Drejtori i Përgjithshëm

Titulli i Postit	Drejtor i Përgjithshëm
Hapësira menaxhuese	Drejtori i Përgjithshëm është personi i ngarkuar për drejtimin e Qendrës Universitare Spitalore, duke ushtruar përgjegjësitë organizative dhe profesionale mbi të gjitha aspektet drejtuese të institucionit.
Përgjigjet para	Ministrit të Shëndetësisë Kryeministrit

Përshkrimi i Përgjithshëm i Pozicionit

Drejtori i Përgjithshëm i QSU “Nënë Tereza” emërohet nga Ministri përgjegjës për Shëndetësinë sipas legjislacionit në fuqi.

Drejtori i Përgjithshëm i QSU “Nënë Tereza” është Titullari më i lartë ekzekutiv, drejtues, organizues dhe kontrollues i të gjithë veprimtarisë së këtij Institucioni.

Qëllimi

Misioni i Drejtorit të Përgjithshëm të QSUT është të sigurojë drejtimin administrativ dhe institucional të Q.S.U.T. Ai menaxhon aktivitetin e përgjithshëm të Spitaleve, programon orientimet strategjike dhe siguron zbatimin e tyre.

Përgjegjësitë Kryesore

- Drejtori i Përgjithshëm i Institucionit është autoriteti drejtues i Qendrës Spitalore Universitare.
- Drejtori i Përgjithshëm i Institucionit përfaqëson Q.S.U.T në të gjitha marrëdhëniet nderinstitucionale me nivelet me eprorët, me të barabartë dhe me të tretë.
- Drejtori i Përgjithshëm është Kryetar i Autoritetit Kontraktues të Q.S.U.T. si dhe Kryetar i Komisionit Kombëtar Ndërsptalor për trajtimin e shtetasve shqipëtar të sëmurë që kanë nevojë për trajtim jashtë vendit.
- Drejtori i Përgjithshëm siguron zbatimin e Statutit dhe rregulloreve të brëndëshme të Q.S.U.T. dhe ka autoritet administrativ dhe institucional mbi të gjithë personelin.
- Drejtori i Përgjithshëm nënshkruan kontratat e punësimit në Q.S.U.T. për të gjithë personelin e lartë mjekësor dhe jo mjekësor si dhe personelin pedagogjik të Fakultetit të Mjekësisë, Fakultetit të Infermierisë për shërbimin që kryen në Spitalet Universitare sipas nevojave të Q.S.U.T.
- Drejtori i Përgjithshëm miraton dhënien me qera të ambjentëve, truallit apo aparaturave të institucionit, pas propozimeve të bera nga drejtorite të perkatese ne QSUT sipas legjislacionit në fuqi.
- Drejtori i Përgjithshëm, në bazë të Statutit të Q.S.U.T ka të drejtën e shkarkimit, pezullimit apo komandimit të Shefave të Shërbimeve apo punonjesve të tjere, deri në zgjidhjen përfundimtare të çështjes.
- Drejtori i Përgjithshëm emëron të gjithë punonjësit e QSUT, sipas procedurave të percaktuara në ligj, apo akteve nënligjore të miratuara për këtë qëllim.
- Drejtori i Përgjithshëm koordinon lidhjen ndërmjet Q.S.U.T. dhe pushtetit vendor si dhe homologëve të tij të brënda dhe jashtë spitalit.

- Drejtori i Përgjithshëm organizon, drejton dhe raporton mbi veprimtarinë ekonomike-financiare të spitalit.
- Drejtori i Përgjithshëm ndjek realizimin e treguesve të efektivitetit të punës në Q.S.U.T.
- Raporton në Bordin e Spitaleve Universitare, Ministrinë e Shëndetësisë për veprimtarinë e Q.S.U.T.
- Vendos për të gjitha çështjet e administrimit të Q.S.U.T. dhe raporton në Bordin e Spitaleve Universitare për veprimtarinë e tij.
- Propozon në Bordin e Spitaleve Universitare buxhetin e Q.S.U.T. programin financiar dhe paraqet raportin vjetor.
- Lëshon urdhëra dhe udhëzime dhe vendos sanksione në përputhje me legjislacionin në fuqi.
- Drejtori i Përgjithshëm merr vendime për largim nga puna në rast shkeljesh të Kodit të Punës, kontratës dhe rregullores së shërbimeve nga ana e personelit të lartë, të mesëm dhe të ulët mjekësor dhe jo mjekësor të Q.S.U.T.
- Drejtori i Përgjithshëm ka të drejtën e delegimit të kompetencave të tij tek zv/drejtorët teknik apo drejtorët e drejtorive sipas rastit.
- Koordinon aktivitetin spitalor në bashkëpunim me zv. Drejtorët e përgjithshëm teknik dhe drejtuesit mjekësor të PAI.
- Në rast shkeljeje të etikës, deontologjisë dhe rregullores së spitaleve universitare nga studentët e Fakultetit të Mjekësisë, i propozon Dekanit masa disiplinore.
- Drejtori i Përgjithshëm asistohet në veprimtarinë drejtuese nga Zv/ Drejtorët teknik të cilët ngarkohen me përgjegjësi organizative dhe monitoruese për aspektet mjekësore të institucionit. Ndarja e detyrave midis Zv/ Drejtorëve bëhet nga Drejtori i Përgjithshëm, sipas parimit të kompetencës profesionale dhe barazpeshës së ngarkesës.

3.2 Zv. Drejtori i Përgjithshëm

Titulli i Postit	Zv Drejtor i Përgjithshëm
Hapësira menaxhuese	Profesionist të cilit/ës i është ngarkuar/deleguar përgjegjësi organizative dhe monitoruese mbi aspektet mjekësore dhe jomjekësore të institucionit.
Përgjigjet para	Drejtorit të Përgjithshëm të QSUT

Përshkrimi i Përgjithshëm i Pozicionit

Zv.Drejtori i Përgjithshëm drejton e kontrollon punën e stafit mjekësor dhe jomjekësor në funksion të gjithë aspekteve të qëndrës spitalore.

Qellimi

- Garantimi i një shërbimi shëndetësor sa më të specializuar, human dhe cilësor,
- Nxitja e kërkimit shkencor në fushën e shëndetësisë,
- Kontributi në përmbushjen e të gjithë objektivave menaxheriale të institucionit.

Proçesi i emërimit të zv Drejtorit të Përgjithshëm:

Zv. Drejtori i Përgjithshëm emërohet dhe lirohet nga Ministri përgjegjës për Shëndetësinë, pas propozimit nga Drejtori i Përgjithshëm i QSU “Nënë Tereza”

Përgjegjësitë Kryesore

- Përfaqëson Q.S.U.T në marrëdhëniet ndërinstitucionale, aktivitetet kombëtare dhe ndërkombëtare të spektrit mjekësor dhe jo mjekësor, kërkimit shkencor mjekësor, parandalimit të sëmundjeve të ndryshme kur ngarkohet nga Drejtori i Përgjithshëm.

- Studion ecurinë aktuale të aktivitetit spitalor, vlerëson nevojën për ndryshim dhe bën propozimet e nevojshme Drejtorit të Përgjithshëm.
- Studion perspektivat dhe mundësitë e zhvillimit dhe përmirësimit të shërbimit spitalor dhe merr pjesë në hartimin e programeve afat shkurtër dhe afat gjatë të Q.S.U.T.
- Monitoron, mbështet dhe raporton mbi punën e qendrës së Statistikës Mjekësore në Q.S.U.T.
- Monitoron dhe mbështet ofrimin e një shërbimi cilësor infermieror.
- Mbështet dhe raporton mbi veprimtarinë mjekësore të Drejtorisë së Shërbimit Farmaceutik të Q.S.U.T. në fushën e planifikimit, shpërndarjes dhe konsumit të barnave dhe materialeve mjekësore. Ndjek procedurat standarte të furnizimi me barna dhe pajisje mjekësore dhe të shërbimeve të tjera jo mjekësore.
- Mbështet dhe raporton mbi veprimtarinë teknike dhe mjekësore të kryer nga të gjitha Drejtoritë e përfshira në administratën e QSUNT-së
- Bashkërendon punët ndërmjet drejtorive të ndryshme në Q.S.U.N.T dhe shërbimeve mjekësore lidhur me problematikat mjekësore dhe jo mjekësore.
- Asiston në takimet që organizohen me donatorë dhe institucione ndërkombëtare me delegim të Titullarit.
- Informon dhe raporton periodikisht mbi cilësinë dhe volumin e punës në shërbimet mjekësore tek Titullari i Institucionit.

Përgjegjësi të veçanta

- ✓ Organizon dhe monitoron aktivitetin profesional dhe tekniko-shkencor të spitalit në bashkëpunim me Shefat e Shërbimeve si dhe mban përgjegjësi për arritjen e indikatorëve të performancës dhe përmirësimin e tyre.
- ✓ Organizon punën dhe mban përgjegjësi për planifikimin, konsumin dhe shpërndarjen e medikamenteve dhe materialeve mjekësore në bashkëpunim me strukturat përkatëse.
- ✓ Inicion dhe drejton studime mbi sëmundshmërinë dhe vdekshmërinë duke përcaktuar masat për uljen e tyre në Q.S.U.T.
- ✓ Organizon dhe drejton punën për hartimin, miratimin dhe zbatimin e protokolleve të diagnostikimit dhe të mjekimit për çdo shërbim.
- ✓ Në bashkëpunim me Universitetin Mjekësor, përgjigjen për kualifikimin e vazhdueshëm profesional e shkencor të stafit mjekësor.
- ✓ Është pjesë e grupeve të punës në hartimin e strukturës së shërbimeve mjekësore.
- ✓ Është pjesë integrale e komisioneve ad-hoc për vlerësimin e kandidatëve të stafit mjekësor që aplikojnë për punësim pranë QSUT.

Indikatorët e performancës:

- ✓ Analiza dhe veprimtaria mbi ecurinë e punës.
- ✓ Propozimet për përmirësimin e indikatorëve spitalorë.
- ✓ Monitorimi i shërbimeve klinike, dhe numri i raportimeve të realizuara.
- ✓ Kontrolli i zbatimit të protokolleve dhe udhëzuesve mjekësore.
- ✓ Dokumentimi i planit shkencor dhe zbatimi i tij.
- ✓ Monitorimi periodik i shërbimeve nga grupe të ngritura me urdher të Titullarit dhe raportimet e kryera.
- ✓ Kontrolli dhe monitorimi i zbatimit të Urdhrave të brendshme dhe dokumentacionit administrativ në raport me elementet e performancës dhe analizat e kryera për gjatë vitit.
- ✓ Përdorimi i formulareve të vetvlerësimit dhe vlerësimit institucional të performancës së shërbimeve.

REFERUAR STATUTIT TË QSUT

Kreu III

ORGANIZIMI

8. Organet Drejtuese:

Organet drejtuese të QSU “Nënë Tereza”, janë:

- Bordi drejtues;
- Drejtoria e përgjithshme;
- Komisioni mjekësor.

9. Bordi drejtues:

9.1. QSU “Nënë Tereza”, drejtohet nga Bordi dhe Drejtoria e Përgjithshme. Bordi miraton politikat dhe strategjinë e zhvillimit, si dhe miraton programet tekniko-financiare të veprimtarisë së QSU-së, në përputhje me politikat qeverisëse për shëndetësinë, arsimin e lartë e kërkimin shkencor, si dhe planin e zhvillimit strategjik të universitetit e të fakulteteve të fushës së shëndetit.

9.2 Bordi kryesohet nga Ministri përgjegjës për shëndetësinë dhe ka në përbërje pesë anëtarë:

- a) Përfaqësuesin nga ministria përgjegjëse për arsimin dhe sportin;
- b) Përfaqësues nga institucioni i arsimit të lartë mjekësor.
- c) Kryetarin e Komisionit Mjekësor;
- ç) Përfaqësuesin nga Institucioni qe financon kujdesin shendetesor (FSDKSH).

9.3 Bordi mbledhet jo më pak se 3 herë në vit. Rendi i ditës propozohet nga Drejtori i Përgjithshëm dhe miratohet nga bordi. Mbledhjet thirren nga kryetari i bordit rregullisht ose në raste të jashtëzakonshme. Mbledhjet e Bordit zhvillohen kur janë të pranishëm jo më pak se gjysma e anëtarëve Drejtori i Përgjithshëm ka të drejtë të jetë pjesëmarrës në çdo mbledhje të Bordit, pa të drejtë vote.

10. Bordi i QSU “Nënë Tereza” ka keto funksione dhe përgjegjësi:

- a) Miraton projektbuxhetin, strukturën dhe organiken administrative, strukturën shëndetësore universitare dhe numrin e personelit të shërbimeve shëndetësore universitare;
- b) Miraton raportin e veprimtarisë shëndetësore dhe kërkimore shkencore të shërbimeve shendetesore universitare ;
- c) Miraton raportin vjetor të veprimtarisë financiare;
- ç) Miraton rregulloret e funksionimit te QSU “Nënë Tereza”.

- d) Miraton rregullat dhe procedurat e punësimit të QSU “Nënë Tereza” dhe kërkon raport nga drejtori i përgjithshëm për zbatimin e tyre;
- dh) Miraton kryerjen e investimeve kapitale me fonde të QSU-së, me propozim të Drejtorit të Përgjithshëm;
- e) Miraton kriteret për dhënien e mjediseve me qira dhe kushtet për ofrimin e shërbimeve për të tretë;
- ë) Vlerëson dhe miraton procedurën mbi përdorimin apo nxjerrjen jashtë përdorimit të Aseteve të QSU “Nënë Tereza”, me propozim të Drejtorit të Përgjithshëm”;
- f) Propozon për miratim projektstatutin e Qendrës Spitalore Universitare kryen funksione të tjera, që burojnë nga ligji, statuti dhe rregulloret e QSU-së;
- g) Zgjedh anëtarët e Komisionit Mjekësor të QSU “Nënë Tereza”, sipas propozimit të Drejtorisë së Përgjithshme.

11. Kompetencat për mbledhjen e Bordit

- 11.1 Bordi thirret nga Kryetari i Bordit dhe njoftohet me shkrim të pakten 7 dite përpara, duke bërë të ditur dhe rendin e dites. Gjithashtu në raste të tjera, mbledhjet e bordit mund të thirren nga Drejtori i Përgjithshëm i QSU-së, kur kerkohen vendimarrje të shpejta për çështje të ndryshme, të cilat janë në kompetencë të Bordit.
- 11.2 Mbledhja zhvillohet kur janë të pranishëm jo më pak se gjysma e anëtarëve, në rast të kundërt mbledhja shtyhet për ditën tjetër, duke përsëritur lajmërimin. Për mbledhjen e Bordit mbahet procesverbal nga një person i përhershëm i autorizuar nga kryetari, i cili zgjidhet nga administrata e spitalit. Drejtori i Përgjithshëm është i pranishëm në mbledhjet e Bordit pa të drejtë vote. Vendimet e Bordit nënshkruhen nga kryetari dhe depozitohen në Drejtorinë së Përgjithshme.
- 11.3 Vendimet e Bordit merren me shumicë votash. Çdo anëtar i Bordit ka të drejtën e një vote dhe nuk i lejohet abstenimi. Kur votat barazohen, vota e kryetarit është vendimtare.

12. Perfundimi i mandatit të anëtarëve të Bordit

12.1 Mandati i anëtarëve të Bordit perfundon ose ndërpritet kur:

- a) Dënohen me vendim të formës së prerë nga gjykata për veprave penale ose kundravajtjeve penale;
- b) Japin dorëheqjen.
- c) Ndryshojnë vendin e punës ose subjektin që përfaqësojnë.
- ç) Bëhen të paaftë, sipas legjislacionit në fuqi, për të ushtruar mandatin.

13 Drejtoria e përgjithshme:

- 13.1 Drejtoria e Përgjithshme siguron drejtimin administrativ dhe institucional të QSU “Nënë Tereza”. Ajo drejtohet nga Drejtori i Përgjithshëm. Drejtoria menaxhon aktivitetin e

përgjithshëm të shërbimeve, programon orientimet strategjike dhe siguron zbatimin e tyre.

13.2 Drejtoria e përgjithshme përbëhet nga:

- Drejtori i Përgjithshëm;
- Zëvendës Drejtorët e Përgjithshëm,

13.3 Janë kompetencë e Drejtorisë së Përgjithshme:

- a) Hartimi i projekt-buxheteve dhe paraqitja për miratim në bord.
- b) Hartimi i projekt-statutit dhe i projekt-rregulloreve të brendshme të QSU “Nënë Tereza” në përputhje me ligjet në fuqi;
- c) Hartimi i projekteve të strukturës së shërbimeve dhe strukturës administrative të QSU “Nënë Tereza”;
- ç) Hartimi i normativave të personelit të lartë, të mesëm dhe jomjekësor;
- d) Drejtim i formimit tekniko-profesional të personelit të lartë dhe të mesëm të institucionit;
- dh) Analiza e treguesve tekniko-financiarë të çdo tremujori dhe raportimi përpara Bordit për performancën mjekësore dhe tekniko-financiare të QSU “Nënë Tereza”;
- e) Prezantimi para bordit i problematikave të shërbimit shëndetësor dhe tekniko-administrativ dhe i propozimeve për adresimin e tyre;
- ë) Hartimi i projekteve dhe prezantimi i tyre për miratim në bord;
- f) Propozimi i kandidaturave për anëtarë të Komisionin Mjekësor të QSU “Nënë Tereza”, të cilat i dërgohen Bordit me një listë jo më të vogël se dyfishi i numrit të vendeve që duhet të plotësohen, në të cilën kandidatët shefa shërbimesh nuk mund të jenë më shumë se 50 për qind.

14 Drejtori i Përgjithshëm i QSU “Nënë Tereza”:

- 14.1 Drejtori i Përgjithshëm është autoriteti më i lartë administrativ i QSU “Nënë Tereza”. Ai menaxhon aktivitetin e përgjithshëm të institucionit sipas shërbimeve dhe siguron zbatimin e objektivave të institucionit bazuar në strategjinë e zhvillimit të tij, nëpërmjet strukturave në varësi. Drejtori i Përgjithshëm përfaqëson institucionin në marrëdhëniet me institucionet e tjera dhe me të tretë.
- 14.2 Drejtori i Përgjithshëm siguron zbatimin e Statutit dhe rregulloreve të brendshme të QSU “Nënë Tereza” dhe ka autoritet administrativ dhe institucional mbi të gjithë personelin.
- 14.3 Drejtori i Përgjithshëm i QSU “Nënë Tereza” emërohet nga ministri i përgjegjës për shëndetësinë sipas legjislacionit në fuqi.
- 14.4 Paga e Drejtorit të Përgjithshëm caktohet me vendim të Këshillit të Ministrave.
- 14.5 Drejtori i Përgjithshëm asistohet në veprimtarinë drejtuese nga zëvendës-drejtorët teknikë, të cilët ngarkohen me përgjegjësi organizative dhe monitoruese për aspektet mjekësore të institucionit.

14.6 Drejtori i Përgjithshëm raporton para Bordit dhe ministrit përgjegjës për shëndetësinë, administrimin dhe çështjet organizative që lidhen me detyrën e tij.

15. Kompetencat e Drejtorit të Përgjithshëm:

16.1 Drejtori i përgjithshëm ushtron këto kompetenca:

- a) Përgatit mbledhjet e Bordit, me rendin e ditës dhe materialet, dhe merr pjesë në çdo mbledhje, pa të drejtë vote;
- b) Drejton punën për zbatimin e vendimeve të Bordit dhe çdo detyrimi që i ngarkohet QSU “Nene Tereza” nga legjislacioni në fuqi;
- c) Vendos për të gjitha çështjet e administrimit të QSU “Nënë Tereza”, organizon, drejton dhe raporton mbi veprimtarinë ekonomike-financiare të saj;
- ç) Ndjek realizimin e treguesve të efektivitetit të punës në QSU-së, bazuar në indikatorët e miratuar nga ministri përgjegjës për shëndetësinë;
- d) Propozon në Bord buxhetin e QSU “Nënë Tereza”, programin financiar dhe paraqet raportin vjetor;
- dh) Është Kryetar i Autoritetit Kontraktues të QSU “Nënë Tereza”, si dhe Kryetar i Komisionit Kombëtar Ndërsptalor për trajtimin e shtetasve shqiptarë të sëmurë që kanë nevojë për trajtim jashtë vendit;
- e) Emëron të gjithë punonjësit e QSU “Nënë Tereza”, sipas procedurave të përcaktuara në ligj, apo akteve nënligjore të miratuara për këtë qëllim, përfshirë personelin e lartë mjekësor dhe jo mjekësor si dhe personelin pedagogjik të Universitetit të Mjekësisë Tiranë, për shërbimin që kryen në Spitalet Universitare sipas nevojave të QSU “Nënë Tereza”;
- ë) Merr dhe zbaton masat disiplinore, në rast shkeljesh të Kodit të Punës, kontratës dhe rregullores së shërbimeve nga ana e personelit të lartë, të mesëm dhe jo mjekësor të QSU “Nënë Tereza”, përfshirë të drejtën e shkarkimit, pezullimit të punonjesve, deri në zgjidhjen përfundimtare të çështjes. Në rast shkeljeje të etikës, deontologjisë dhe rregullores së spitaleve universitare nga studentët e Universitetit të Mjekësisë, i propozon Dekanit marrjen e masave disiplinore;
- f) Negocion dhe lidh kontrata me palë të treta, brenda kufijve të legjislacionit në fuqi, si dhe kritereve të vendosura nga ministria përgjegjëse për shëndetësinë, me qëllim administrimin efektiv dhe eficient të burimeve, përfshirë dhënien me qera të mjediseve, truallit, infrastrukturës apo pajisjeve mjekësore, apo ofrimin e shërbimeve dhe kapaciteteve për të tretë;
- g) Drejtori i Përgjithshëm koordinon lidhjen ndërmjet QSU “Nënë Tereza” dhe pushtetit vendor si dhe homologëve të tij të brënda dhe jashtë spitalit;
- gj) Koordinon aktivitetin spitalor në bashkëpunim me zëvendësdyktorët e përgjithshëm teknikë dhe drejtuesit mjekësorë të Poleve të Administrimit të Integruar (PAI).

16. Drejtori i Përgjithshëm ka të drejtën e delegimit të kompetencave të tij tek zëvendësdrejtorët e përgjithshëm teknik apo drejtorët e drejtorive sipas rastit.

17. Zëvendësdrejtorët e Përgjithshëm:

- 17.1 Zëvendësdrejtorët e Përgjithshëm emërohen dhe lirohen nga ministri përgjegjës për shëndetësinë
- 17.2 Zëvendësdrejtorët e Përgjithshëm mbulojnë detyrat vijuese:
- a) Organizojnë aktivitetit profesional dhe tekniko-shkencor të QSU “Nënë Tereza”;
 - b) Ndjekin, në bashkëveprim me shefat e shërbimeve, kualifikimin profesional e shkencor të mjekëve dhe personelit të mesëm infermieror mjekësor;
 - c) Mbikëqyrin organizimin dhe drejtimin e punës aspektin mjekësor në QSU “Nënë Tereza”;
 - ç) Organizojnë dhe bashkërendojnë punën me Drejtorinë Farmaceutike të QSU “Nënë Tereza” në fushën e furnizimit, shpërndarjes dhe konsumit të barnave dhe materialeve mjekësore;
 - d) Organizojnë dhe drejtojnë punën për hartimin, miratimin dhe zbatimin e protokolleve të diagnostikimit dhe të mjekimit për çdo shërbim;
 - dh) Organizojnë dhe drejtojnë punën në sektorët e laboratorëve, imazherisë mjekësore, biomedikalit dhe në ato të mirëmbajtjes teknike;
 - e) Organizojnë dhe drejtojnë punën e sektorit të higjenës dhe të parandalimit të infeksioneve nozokomiale;
 - ë) Organizojnë studime mbi sëmundshmërinë e vdekshmërinë dhe përcaktojnë masat për uljen e tyre në QSU “Nënë Tereza”;
- 17.3 Ndarja e detyrave midis tyre bëhet nga Drejtori i Përgjithshëm, sipas parimit të kompetencës profesionale dhe barazpeshës së ngarkesës.

18. Komisioni Mjekësor i QSU “NËNË TEREZA”:

- 18.1 Komisioni mjekësor është organ këshillimi teknik i Drejtorisë së Përgjithshme dhe përbëhet nga drejtoret e spitaleve, që funksionojnë brenda autoritetit spitalor të qarkut dhe shefat e shërbimeve ose përfaqësues të zgjedhur nga vetë shërbimet e këtyre spitaleve.
- 18.2 Komisioni Mjekësor kryesohet nga kryetari i zgjedhur me votim të fshehtë, në bazë të kriterëve të vendosura nga Ministri përgjegjës për shëndetësinë dhe ushtron veprimtarinë e tij për tre vjet.
- 18.3 Komisioni Mjekësor përbëhet nga 26 antare, të cilët zgjidhen nga Bordi, me propozim të Drejtorisë së Përgjithshme, sipas formulës: Drejtoria i propozon Bordit kandidaturat për anëtarë të Komisionin Mjekësor të QSU “Nënë Tereza”-së, me një listë jo më të vogël së

dyfishi i numrit të vendeve që duhet të plotësohen, në të cilën kandidatët shefa shërbimesh nuk mund të jenë më shumë se 50 për qind.

- 18.4 Komisioni Mjekësor konsulton lidhur me aspektet mjekësore të punës, me përshkrimin e detyrave sipas funksioneve, dhe organizimin e shërbimeve mjekësore;
- 18.5 Komisioni Mjekësor konsulton për projektet dhe politikat e zhvillimit të QSU “Nënë Tereza”, jep mendim për mbylljen, modifikimin apo krijimin e shërbimeve të reja, si dhe për vendosjen e tarifave mjekësore;
- 18.6 Komisioni Mjekësor thirret në mbjedhje nga Drejtori i Përgjithshëm. Në mbledhjet e Komisionit Mjekësor marrin pjesë dhe zëvendës drejtorët.